



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA
Broj:02-011- 880/'03
Sarajevo, 18.06.2003.god.**

ZAPISNIK

**8. sjednice Doma naroda Parlamentarne skupštine Bosne i Hercegovine,
održane 18. juna 2003. i 30. juna 2003.godine**

Sjednica je počela sa radom u 11,15 sati.

Sjednicom je predsjedavao Velimir Jukić, predsjedavajući Doma naroda Parlamentarne skupštine Bosne i Hercegovine.

Na sjednici je bilo prisutno 15 delegata.

Osim delegata na sjednici Doma naroda prisustvovali su: predstavnici Vijeće ministara, predstavnici međunarodnih organizacija, pozvani gosti i predstavnici sredstava javnog informisanja.

Nakon diskusije u kojoj su učestvovali Vinko Radovanović i Velimir Jukić Dom naroda usvojio je sljedeći

DNEVNI RED

1. Delegatska pitanja i delegatski odgovori
2. Usvajanje zapisnika sa 7. sjednice Doma naroda
3. Izjašnjavanje Doma naroda o Izvještaju Zajedničke komisije oba doma o postizanju sporazuma o istovjetnom tekstu Prijedloga zakona o Agenciji za rad i zapošljavanje BiH
4. Izjašnjavanje Doma naroda o Izvještaju Zajedničke komisije oba doma o postizanju sporazuma o istovjetnom tekstu Prijedloga zakona o zaštiti zdravlja bilja
5. Zahtjev za razmatranje Prijedloga zakona o sudskoj policiji Bosne i Hercegovine po članu 100. Poslovnika Doma naroda - predlagač Vijeće ministara
6. Zahtjev za razmatranje Prijedloga zakona o zaštiti svjedoka pod pretnjom i ugroženih svjedoka po članu 100. Poslovnika Doma naroda - predlagač Vijeće ministara
7. Zahtjev za razmatranje Prijedloga zakona o krivičnom postupku Bosne i Hercegovine po članu 100. Poslovnika Doma naroda - predlagač Vijeće ministara
8. Zahtjev za razmatranje Prijedloga krivičnog zakona Bosne i Hercegovine po članu 100. Poslovnika Doma naroda - predlagač Vijeće ministara
9. Zahtjev za razmatranje Prijedloga zakona o izmjenama i dopunama Zakona o državljanstvu po članu 100. Poslovnika Doma naroda - predlagač Predstavnički dom
10. Prijedloga Okvirnog zakona o osnovnom i srednjem obrazovanju u BiH – prvo čitanje, predlagač Vijeće ministara

11. Davanje saglasnosti za ratifikaciju Prijedloga odluke o Evropskoj konvenciji o suzbijanju terorizma, Strazbur 27.januar 1977.godine - predlagač Predsjedništvo BiH
12. Davanje saglasnosti za ratifikaciju Prijedloga odluke Izmjenjenog i ponovno uspostavljenog Sporazuma o razvojnem kreditu (Projekat podsticanja izvoza preduzeća) između Bosne i Hercegovine i Međunarodne asocijacije za razvoj (kreditni broj 3257 BOS) - predlagač Predsjedništvo BiH
13. Davanje saglasnosti za ratifikaciju Prijedloga odluke Memoranduma o razumjevanju između Evropske zajednice i Bosne i Hercegovine - predlagač Predsjedništvo BiH
14. Davanje saglasnosti za ratifikaciju Sporazuma između SAD i Bosne i Hercegovine u vezi sa predajom lica Međunarodnom krivičnom sudu - predlagač Predsjedništvo BiH
15. Zahtjev za razmatranje Prijedloga prijelaznog zakona o spajanju carinskih uprava i osnivanju Uprave za indirektno oporezivanje – predlagač Vijeće ministara – hitni postupak

Ad-1: Delegatska pitanja i delegatski odgovori.

Nakon diskusije u kojoj su učestvovali Velimir Jukić, Tomislav Limov i Osman Brka , predloženo je da se upozore svi oni koji se nisu držali odredbi Poslovnika Doma naroda, član 122. da u roku dostave odgovore na postavljena pitanja, da to urade što prije, jer će se u skladu sa članom 112. tačka 5.Poslovnika Doma naroda sva pitanja na koja ne stigne odgovor uvrstiti na dnevni red sjednice.

Odgovor na delegatsko pitanje dobio je delegat Branko Zrno.

Delegat Zoran Spasojević postavio je sledeća pitanja:

"Da li je moguće razminirati 500 m² u selu Cviljevina opština Tuzla?

Ko će nadoknaditi štetu za porušene kuće poslije Dejtonskog sporazuma svih Srba koji su morali ići sa svojih ognjišta iz Federacije Bosne i Hercegovine?"

Ad-2: Zapisnik sa 7. sjednice Doma naroda Parlamentarne skupštine Bosne i Hercegovine.

Diskusija nije vođena.

Dom naroda većinom glasova usvojio je Zapisnik sa 7. sjednice Doma naroda.

Ad-3: Izjašnjavanje Doma naroda o Izvještaju Zajedničke komisije oba doma o postizanju sporazuma o istovjetnom tekstu Prijedloga zakona o Agenciji za rad i zapošljavanje BiH

Diskusija nije vođena.

Dom naroda jednoglasno je usvojio Izvještaj Zajedničke komisije oba doma o postizanju sporazuma o istovjetnom tekstu Prijedloga zakona o Agenciji za rad i zapošljavanje BiH.

Ad-4: Izjašnjavanje Doma naroda o Izvještaju Zajedničke komisije oba doma o postizanju sporazuma o istovjetnom tekstu Prijedloga zakona o zaštiti zdravlja bilja

Diskusija nije vođena.

Dom naroda jednoglasno je usvojio Izvještaj Zajedničke komisije oba doma o postizanju sporazuma o istovjetnom tekstu Prijedloga zakona o zaštiti zdravlja bilja.

Ad-5: Zahtjev za razmatranje Prijedloga zakona o sudskoj policiji Bosne i Hercegovine po članu 100. Poslovnika Doma naroda - predlagač Vijeće ministara

Diskusija nije vođena.

Dom naroda većinom glasova usvojio je da se Prijedlog zakona o sudskoj policiji Bosne i Hercegovine razmatra po članu 100. Poslovnika Doma naroda, nakog čega je Zakon jednoglasno usvojen.

Ad-6: Zahtjev za razmatranje Prijedloga zakona o zaštiti svjedoka pod pretnjom i ugroženih svjedoka po članu 100. Poslovnika Doma naroda - predlagač Vijeće ministara

Diskusija nije vođena.

Dom naroda većinom glasova usvojio je da se Prijedlog zakona o zaštiti pod pretnjom i ugroženih svjedoka razmatra po članu 100. Poslovnika Doma naroda, nakog čega je Zakon jednoglasno usvojen.

Ad-7: Zahtjev za razmatranje Prijedloga zakona o krivičnom postupku Bosne i Hercegovine po članu 100. Poslovnika Doma naroda - predlagač Vijeće ministara

Diskusija nije vođena.

Dom naroda većinom glasova usvojio je da se Prijedlog zakona o krivičnom postupku Bosne i Hercegovine razmatra po članu 100. Poslovnika Doma naroda, nakog čega je Zakon jednoglasno usvojen.

Ad.8: Zahtjev za razmatranje Prijedloga krivičnog zakona Bosne i Hercegovine po članu 100. Poslovnika Doma naroda - predlagač Vijeće ministara

Diskusija nije vođena.

Dom naroda većinom glasova usvojio je da se Prijedlog krivičnog zakona Bosne i Hercegovine razmatra po članu 100. Poslovnika Doma naroda, nakog čega je Zakon jednoglasno usvojen.

Ad-9: Zahtjev za razmatranje Prijedloga zakona o izmjenama i dopunama Zakona o državljanstvu po članu 100. Poslovnika Doma naroda - predlagač Predstavnički dom

U diskusiji je učestvovao Anto Spajić

Dom naroda nije usvojio da Prijedlog zakona o izmjenama i dopunama zakona o državljanstvu čiji je predlagač Predstavnički dom razmatra po članu 100. Poslovnika Doma naroda. Zakon će se razmatrati u redovnoj proceduri.

Ad.10: Prijedloga Okvirnog zakona o osnovnom i srednjem obrazovanju u BiH – prvo čitanje, predlagač Vijeće ministara

U diskusiji su učestvovali: Halid Genjac, Ilija Filipović predsjedavajući Ustavno – pravne komisije, Zoran Spasojević, Safet Halilović, predstavnik Vijeća ministara, Branko Zrno, Hasan Čengić, Boško Šiljegović, Osman Brka i Anto Spajić

Dom naroda usvojio je u prvom i drugom čitanju Prijedlog Okvirnog zakona o osnovnom i srednjem obrazovanju u BiH sa sljedećim amandmanima:

Amandman I.

U stavu 1. člana 1. iza riječi “obrazovanja” dodaje se riječ “odgoja”:

Amandman II.

Tačka 1. Opšte odredbe u članu 1. mijenja se i glasi:

Svrha obrazovanja

Opšti ciljevi obrazovanja, narav i temeljna polazista obrazovanja i odgoja

Amandman III

U članu 1. stav 1. na kraju se briše tačka i dodaju riječi: «kao i dopunska nastava za djecu državljana BiH u inostranstvu».

Amandman IV

U članu 3. stav 1. tačka d) iza riječi: «razvijanje svijesti o» dodaju se riječi: «pripadnosti državi Bosni i Hercegovini», a na kraju ove tačke dodaju se riječi: «u Bosni i Hercegovini i svijetu».

Amandman V

U članu 5. na početku stava 1. brišu se riječi: «U obrazovanju»

Amandman VI

Stav 1. člana 7. mijenja se i glasi: «jezici konstitutivnih naroda Bosne i Hercegovine upotrebljavat će se u svim školama, a u skladu sa Ustavom Bosne i Hercegovine».

Amandman VII

U članu 9. stav 4. mijenja se i glasi:»Učenici koji ne žele pohađati vjeronauk neće ni na koji način biti dovedeni u nepovoljan položaj u odnosu na druge učenike».

Amandman VIII

U članu 10. stav 1. briše se riječ: «svakodnevnim».

Amandman IX

U članu 10. stav 2. iza riječi: «U nadležnosti je ...» ubaciti riječi: «Države BiH».

Amandman X

Član 13. stav 4. se mijenja i glasi:

Učenik se upisuje u naredni razred, a škola je dužna da mu omogući polaganje eventualne razlike predmeta najkasnije do 15. aprila tekuće školske godine.

Amandman XI

U članu 15. stav 1. mijenja se i glasi: «Predškolsko obrazovanje ustanovljava se kao dio cjelovite brige društva za poboljšavanje kvaliteta življenja i razvoja djece u ranom djetinjstvu».

Amandman XII

U članu 15. u stavu 2. brisati dio rečenice: ..."zavisno o resursima koji su za to na raspolaganju".

Amandman XIII

U članu 15. stav 3. mijenja se i glasi: «Predškolsko obrazovanje regulisati će se zakonima entiteta, kantona i Brčko Distrikta BiH u skladu sa principima, standardima definisanim ovim zakonom.

Amandman XIV

U članu 17. stav 2. mijenja se i glasi: "Srednjoškolsko obrazovanje u javnim ustanovama je besplatno u skladu sa zakonom"

Amandman XV

U članu 19. stav 1. na kraju teksta dodaju se riječi:

« uz obvezno određivanje defektološkog i logopedskog statusa.»

Amandman XVI

U članu 19. stav 3. mijenja se i glasi:

« Kategorije, postupak, identifikacije, planiranje i način rada, profil, obuka i profesionalni razvoj stručnog kadra za rad s djecom i mladima s posebnim potrebama uređuje se na jedinstven način u Bosni i Hercegovini, a pitanja socijalnih davanja, pedagoških standarda i normativa regulisat će se na razini entiteta, kantona i Brčko Distrikta Bosne i Hercegovine, u skladu odredbama ovog Zakona.»

Amandman XVII

U članu 20. stav 1. brisati riječi: «za prvo obrazovanje odraslih».

Amandman XVIII

U članu 21. iza riječi: «psiholozi» dodaje se «zarezu» i riječi: «defektolozi i logopedi».

Amandman XIX

U članu 26. u stavu 3. iza riječi: «mehanizam» dodati sljedeće riječi: «kontrole rada i pedagoškog ...».

Amandman XX

U članu 29. stav 1. na kraju se tačka briše i dodaju riječi: «obrazovnih vlasti».

Amandman XXI

Stav 1. člana 31. na kraju se briše tačka i dodaje sljedeći tekst: «u skladu sa specifičnostima datih prihvatnih škola u koje spadaju i vjerske škole».

Amandman XXII

Iza člana 32. dodaje se novi član kao član 33. koji glasi:

«S ciljem organiziranja dopunske nastave iz grupe tzv. «nacionalnih predmeta» za učenike osnovnih i srednjih škola – državljane BiH u inostranstvu, nadležna ministarstva BiH će inicirati potpisivanje posebnih sporazuma sa svim državama u kojima za BiH postoji takav interes.

Finansijska sredstva za troškove nastavnog osoblja, ukoliko iz domicilnih propisa ne proizilazi da padaju na teret zemlje prijema, planirat će se u budžetu institucija BiH i plan i program za predmete dopunske nastave, na osnovu Zajedničkih jezgri iz člana 42. ovog zakona, utvrđuje posebna komisija koju imenuje Vijeće ministara, u saradnji sa Agencijom za nastavne planove i programe».

Amandman XXIII

U članu 33. stav 1. mijenja se i glasi: «U školi se podučavaju učenici i redovno se prati i vrši procjena njihovog obrazovnog napretka, kako bi se osiguralo potrebno obrazovanje koje odgovara njihovim potrebama i mogućnostima».

Amandman XXIV

U članu 33. stav 2. na kraju, iza riječi: «... uključujući i štetu izazvanu puštenjem» umjesto tačke stavlja zarez i dodaju riječi: «ili upotrebom drugih opojnih i zakonom zabranjenih sredstava».

Amandman XXV

U članu 34. u stavu 1. i 2. zamijeniti riječi: «invalidnost i hendikepiranost» sljedećim riječima: «djeca sa posebnim potrebama».

Amandman XXVI

U članu 40. iza riječi: «zapošljavanja» dodati riječ: «nastavnog», a brisati: «pedagoškog».

Amandman XXVII

Stav 2. člana 41. se prenosi u član 58. kao stav 4. tako da ranije stav 4. postaje stav 5.

Amandman XXVIII

U stavu 2. člana 42. iza riječi: «ministri obrazovanja entiteta» dodaju se riječi: «kantona».

Amandman XXIX

U stavu 3. člana 42. tekst iza riječi: «usvajaju i potpisuju» mijenja i glasi: «ministri obrazovanja entiteta, ministri obrazovanja svih kantona iz Federacije Bosne i Hercegovine, te predstavnik Brčko Distrikta Bosne i Hercegovine».

Amandman XXX

U članu 42. stav 4. pod d) na kraju stava iza riječi: «interesima» dodaju riječi: «sa akcentom na promociju zdravog načina života kao najvećeg interesa učenika, roditelja, nastavnog osoblja i društva».

Amandman XXXI

U članu 42. stav 4. dodaje se nova tačka a) koja glasi:

«a) osigurati da se kroz vaspitno-obrazovni proces razvija pozitivan odnos i osjećaj pripadnosti državi Bosni i Hercegovini».

Dosadašnje tačke a) – f) adekvatno označiti u konačnoj redakciji teksta.

Amandman XXXII

U članu 44. iza alineje pod f) dodati novu alineju pod g) koja glasi: «Normative o obimu rada (nastavna norma i radna norma za sve uposlene u školi). Normative o uslovima rada (broj učenika u razredu i odgojnoj grupi u nastavnim i vannastavnim aktivnostima).

Amandman XXXIII

U članu 47. stav 1. tačka se briše i dodaju riječi: «koje tretira ovaj zakon».

U članu 47. stav 4. briše se riječ: «uskoj».

Amandman XXXIV

U članu 50. na kraju stava 4. se dodaju riječi: «u principu prema popisu stanovništva u BiH iz 1991. godine».

Amandman XXXV

U članu 52. u stavu 3. dodati alineju f) koja glasi: «kandiduje i bira predstavnike roditelja u školski odbor».

Amandman XXXVI

Član 54. stav 1 se mijenja i glasi: "Škola ima stručne organe: nastavničko vijeće, odjeljenjsko vijeće i stručne aktive".

Amandman XXXVII

U članu 55. stav 1. se mijenja i glasi: «Nadzor nad primjenom ovog zakona vršit će Ministarstvo civilnih poslova BiH».

Amandman XXXVIII

U članu 60. iza riječi: «BiH» staviti tačku, a ostali dio teksta tj. riječi: «službenim glasilima entiteta i Brčko Distrikta Bosne i Hercegovine» se brišu.

Amandman XXXIX

Član 60. mijenja se i glasi:

Ovaj zakon stupa na snagu danom objave u «Službenom glasniku BiH»

U zajedničku komisiju oba doma za postizanje sporazuma o istovjetnom tekstu Prijedloga Okvirnog zakona o osnovnom i srednjem obrazovanju u BiH imenovani su: Halid Genjac, Branko Zrno i Vinko Radovanović.

Ad-11: Davanje saglasnosti za ratifikaciju Prijedloga odluke o Evropskoj konvenciji o suzbijanju terorizma, Strazbur 27.januar 1977.godine - predlagač Predsjedništvo BiH

U diskusiji su učestvovali: Hasan Čengić i Ilija Filipović

Dom naroda jednoglasno je dao saglasnost za ratifikaciju Prijedloga odluke o Evropskoj konvenciji o suzbijanju terorizma, Strazbur 27.januar 1977.godine.

Ad-12: Davanje saglasnosti za ratifikaciju Prijedloga odluke Izmjenjenog i ponovno uspostavljenog Sporazuma o razvojnom kreditu (Projekat podsticanja izvoza preduzeća) između Bosne i Hercegovine i Međunarodne asocijacije za razvoj (kreditni broj 3257 BOS) - predlagač Predsjedništvo BiH

U diskusiji su učestvovali: Hasan Čengić, Osman Brka, predstavnik Vijeća ministara, Ljerka Marić i Velimir Jukić.

Dom naroda jednoglasno je dao saglasnost za ratifikaciju Prijedloga odluke Izmjenjenog i ponovno uspostavljenog Sporazuma o razvojnom kreditu (Projekat podsticanja izvoza preduzeća) između Bosne i Hercegovine i Međunarodne asocijacije za razvoj (kreditni broj 3257 BOS).

Ad-13: Davanje saglasnosti za ratifikaciju Prijedloga odluke Memoranduma o razumjevanju između Evropske zajednice i Bosne i Hercegovine - predlagač Predsjedništvo BiH

U diskusiji je učestvovao Hasan Čengić.

Dom naroda jednoglasno je dao saglasnost za ratifikaciju Prijedloga odluke Memoranduma o razumjevanju između Evropske zajednice i Bosne i Hercegovine.

Ad-14: Davanje saglasnosti za ratifikaciju Sporazuma između SAD i Bosne i Hercegovine u vezi sa predajom lica Međunarodnom krivičnom sudu - predlagač Predsjedništvo BiH

U diskusiji su učestvovali: predstavnik predlagača, Slobodan Radulj i Velimir Jukić.

Dom naroda je većinom glasova dao saglasnost za ratifikaciju Sporazuma između SAD i Bosne i Hercegovine u vezi sa predajom lica Međunarodnom krivičnom sudu.

Ad-15: Zahtjev za razmatranje Prijedloga prijelaznog zakona o spajanju carinskih uprava i osnivanju Uprave za indirektno oporezivanje – predlagač Vijeće ministara – hitni postupak

U diskusiji su učestvovali: predstavnik Vijeća ministara, Ljerka Marić, Halid Genjac, Boško Šiljegović, Hasan Čengiđ, Anto Spajić i Velimir Jukić

Dom naroda je nakon rasprave o Prijedlogu prelaznog zakona o spajanju carinskih uprava i osnivanju Uprave za indirektno oporezivanje u 15,20 sati prekinuo rad sjednice

Sjednica je počela sa radom u 11,15 sati.

Na nastavku sjednice bilo je prisutno 14 delegata.

Delagat Hilmo Neimarlija je opravdao izostanak.

Osim delegata na sjednici Doma naroda prisustvovali su: predstavnici Vijeća ministara, predstavnici međunarodnih organizacija, pozvani gosti i predstavnici sredstava javnog informisanja.

Ad-15: Zahtjev za razmatranje Prijedloga prelaznog zakona o spajanju carinskih uprava i osnivanju Uprave za indirektno oporezivanje – predlagač Vijeće ministara – hitni postupak

Diskusija nije vođena.

Dom naroda većinom glasova usvojio je da se Prijedlog prelaznog zakona o spajanju carinskih uprava i osnivanju Uprave za indirektno oporezivanje razmatra po članu 100. Poslovnika Doma naroda, nakog čega je Zakon usvojen.

Sjednica je završena u 11,30 sati.

Sastavni dio ovog zapisnika je neautorizirani transkript sjednice.

SEKRETAR
DOMA NARODA
Jadranko Tomić

PREDSJEDAVAJUĆI
DOMA NARODA
Velimir Jukić